

المراحل الستة للإحتضار و خروج الروح .. #محاضرة .. د . حازم

شومان

حازم شومان

الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك تشجع الامر كله. لبيك يا ربنا وسعديك والخير كل الخير في يديك. والشر ليس اليك. انا بك واليك. تباركت وتعاليت استغفرك - [00:00:00](#) واتوب اليك. اللهم صل على النبي محمد وعلى ازواجه امهات المؤمنين وعلى ذريته وال بيته انك حميد مجيد. اما بعد اخواني واحبابي في الله ربنا يحفزكم يا رب. وحشتونا يا اخواني. وحشتونا. اهلا وسهلا. انتم بتبصوا لي كده ليه؟ ده ديكور يا جماعة - [00:00:30](#)

ده حاجات كده زنوب. فانا اعمل ايه في زنوبنا بس؟ هنخلص من زنوبنا ازاي؟ ربنا يتوب علينا يا رب. اللهم امين. ضحية من ضحايا الدوري بتاع الله يغفر لهم بتوع الورش وبتوع الدوري وتوبة ان شاء الله. ربنا يبارك فيكم ويحفظكم - [00:00:50](#) يعني اخواني واحبابي في الله اه اه يعني عن مازا سنتحدث الليلة؟ عايزين نركز بقى يا اخواني لان احنا هنتكلم عن موضوع يعني يعني سبحان الله العظيم انا كلمتكم عن الشاب اللي انا زرتة في المستشفى الاسبوع اللي فات وكان ستة وتسعين في المية حرق في جسمه سبحان الله كان كل - [00:01:10](#)

حتة في جسمه بتنتفض وبعد ما خرجت يعني لقيت ان الاطباء بيقولوا ان هو ساعات ويموت. هو مش ساعات ومات. يعني قالوا ان هو في الاحتضار. هو مات ثاني يوم قبل - [00:01:30](#) صلاة الجمعة بحوالي ساعة. يعني مات بعد حوالي قد ايه كده؟ يعني حوالي يوم قلة كده. يعني يعني انسان ممكن يقعد يحتضر يوم! انسان كنا في مستشفى الجامعة بنزور المرضى ولقينا واحدة في قسم العزل قاعدة تصرخ تو الناس بيقول لك دي بتحتضر واحد من اخواننا حاول ان هو يلقتها الشهادتين فلم - [00:01:40](#)

ادري به اصلا الواحد وهو يببص لها كده. هي دي معنا ولا مش معنا؟ هي بتصرخ ليه؟ هي بتصرخ لانها بتتألم ولا هي مش دارية بنا اصلا. ولا بتصرخ من حاجة تانية - [00:02:00](#) نفسية ولا هي شايقة حاجة ولا هي مش معنا في الدنيا ولا ولا ايه ايه اللي وراء المشهد ده؟ المشهد ده جواه ايه؟ المشهد ده وراه احداث شكلها ايه المشكلة يا اخوانا مش قضية ان انت قلبك بيصعب عليه الانسان اللي نايم في الموضوع ده. المشكلة ان انت هنتام النوم دي. المشكلة ان فلولا ان كنتم - [00:02:10](#)

غير مدينين ترجعونها. المشكلة ان انت مدين بنفس النوم. المشكلة ان انت هنتام نفس النوم ديت والاحتضار الواحد رأى احتضار بيقتد ايام يعني احد اخوانا وكنا بنزوره يعني قعد يومين او ثلاثة يحتضر حتى مات. وفيه احتضار لحظات. لحظات رأيناها باعيننا - [00:02:30](#)

وفيه احتضار ساعات. يعني الواحد لا ينسى مشاهد الموت اللي شافها في حياته. مريضة في المستشفى وانت قاعد مسلا طول الليل مسلا تزوح وتيجي عليها وهي في الاحتضار وانت قاعد تنتظر يعني ايه ايه اللي ورا المشهد ده؟ ايه اللي جوة المشهد ده؟ ايه اللي بيحصل؟ ده حاسس البني ادم ده بايه؟ ده شايف ايه؟ ولا مش شايف - [00:02:50](#)

حاجة. حاسس بايه ولا ما هوش داري بحاجة. بيفكر في ايه ولا ما هوش عارف يفكر في حاجة. اللحظات الرهيبة ده اللي هي اخر

لحظات هتعدى على كل انسان في الدنيا ماذا وراء ما وراء الاحتضار؟ هو ده الموضوع اللي احنا عايزين نتكلم مع بعض الليلة فيه يا اخواني - [00:03:10](#)

ما وراء الاحتضار المراحل الستة لخروج الروح. لما الواحد تدبر في مشهد يعني الشاب الله يرحمه اللي ربنا توفاه يوم الجمعة وهذا من حسن الخاتمة يعني اللي كان في مستشفى الحروق يعني الواحد بدأ يفكر هو هو ايه اللي ورا هذا المشهد؟ فبدأ الواحد يراجع الايات والاحاديث التي - [00:03:30](#)

عن هذه اللحظات مش اللي بتتكلم عن قضية الموت عموما لان قضية الموت ده قضية كبيرة جدا. الاحتضار ده موضوع من مواضيع الموت. خروج الروح ده موضوع من موضوع الموت. انما الموت ده موضوع كبير جدا جدا جدا. احنا هنركز على نقطة خروج الروح على نقطة مراحل خروج الروح من جسد الانسان - [00:03:50](#)

على نقطة الاحتضار دهو لان القضية دي قضية كلنا سنعرض لها مرحلة من مراحل حياتنا بنظن ان هي لحظات بنظن ان هي فيها حاجة وتعدى انما هي عوالم القرآن والسنة يتحدثون عنها على انها عوالم وليست عالم. عالم عوالم ست عوالم - [00:04:10](#)

العالم الاول قول الله سبحانه وتعالى واتقوا يوما واتقوا يوما. ربنا بيقول لك اعمل حساب اليوم ده من دلوقتي اعلمي حساب اليوم ده من دلوقتي واتقوا يوما ترجعون فيه الى الله. سبحانه الله العظيم يا اخواني. لما - [00:04:30](#)

واحد مسلا ايديه تكسر ولا يحصل له اي اصابة. الواحد ياما اتعرض لمواقف اشد من كده. وياما وقع وقعدت اشد من كده. لما الواحد بيفاجى ان هو اتصاب بجد ونوة بيتجسب بجد ونوة يقول سبحانه يا رب هو الاصابة لحزة! هو الموت لحزة! هو كل شيه كده لحظة! هو احنا مش - [00:04:50](#)

متخيلين يا جماعة الموضوع اسهل. اسهل مما نتخيل واسهل مما تتصور. انك انت دلوقتي فجأة تلاقى نفسك بتحتضر ده موضوع بسيط جدا. موضوع اسهل مما نتخيل العالم الاول واتقوا يوما ترجعون فيه الى الله. العالم الثاني. قال تعالى - [00:05:10](#)

كلا اذا بلغت التراقي. دي المرحلة الثانية من مراحل الاحتضار. مش عايز اسميها مرحلة انا عايز اسميها عالم. لان كل كل مرحلة من المراحل ديت وصف القرآن والسنة لها ان هي عالم فعلا. الموضوع ما هواش بسيط. حتى لو شفته بيعدى قدامك في الميت ان هو لحظات. انما - [00:05:30](#)

عالم العالم الثاني كلا اذا بلغت التراقي. العالم الثالث المرحلة الثالثة من مراحل خروج الروح المرحلة الثالثة من مراحل الاحتضار وجاءت سكرة الموت بالحق. هو فيه فرق بين بلوغ التراقي وبين سكرة الموت - [00:05:50](#)

فروق كبيرة جدا. طب ايه الفرق هنتكلم دلوقتي ؟ ايه الفرق ما بين العالم ده والعالم ده ؟ ما بين عالم يا اخواني والله. يعني ما بين مرحلة السكرة ومرحلة - [00:06:10](#)

التراقي فرق ما بين عالم وعالم ثاني خالص. ما بين مرحلة السكرة ومرحلة الحلقوم عالم وعالم ثاني خالص. ده انسان بيشف مشاهد ويبفكر في حاجات وده انسان ثاني بيشف حاجات ثانية ويبفكر في حاجات ثانية وده انسان ثالث عايش في عالم ثالث وشايف حاجات تالته - [00:06:20](#)

يا اخواني العالم الثالث وجاءت سكرة الموت بالحق. العالم الرابع او المرحلة الرابعة من مراحل الاحتضار العالم الرابع او المرحلة الرابعة من مراحل الاحتضار رب ارجعون رب ارجعون دي مرحلة اه مرحلة. يعني كثير من المفسرين يقول لك هذا الرجل نام على فراش الاحتضار. انما الاحتضار ده الوقتي اللي احنا بنتكلم عنه احنا بنعمل تشريح للمرحلة - [00:06:40](#)

ده ما طلعتش كلمة احتضار كده. ده في انهي مرحلة من المراحل. يبقى دي مرحلة ثانية رب ارجعون شاف ايه عشان يقول ده. يبقى دي العالم الرابع او المرحلة رب ارجعون. المرحلة الخامسة من مراحل الاحتضار او العالم الخامس فيما وراء الاحتضار. ها العالم الخامس - [00:07:10](#)

الاولى اذا بلغت الحلقوم فلولا اذا بلغت الحلقوم العالم السادس او المرحلة السادسة في عالم الاحتضار التي سمى الله بها سورة من سور القرآن والنازعات غرقا. تعالوا يا جماعة نتكلم كده عن مراحل الاحتضار - [00:07:30](#)

راح للسته لخروج الروح او العوالم الستة لخروج الروح او مراحل الاحتضار. نشرح الاحتضار كده ونشوف الناس بتعيش مع ايه. في هذه المرحلة ايه اللي بيبقى فيه الناس في هذه المرحلة؟ ونبدأ نحاول نفهم عمرو بن العاص لما كان بيقول لابنه عبدالله بن عمرو وددت يا بني لو ان رجلا عاقلا - [00:07:50](#)

عد الموت يصف لنا الموت. لو فيه واحد عاقل كده وهو في وسط الموت يوصف لنا الموت ما يجزعهش. يعني واحد عند الموت ما يجزعهش انت عارف مسلا لما اقول لك يا سلام لو واحد عاقل وهو كده محكوم عليه بالاعدام. لما يتلف المشنقة حوالين رقبته ها يا حبل المشنقة ما يجزعهش - [00:08:10](#)

اقعد يوصف لنا وهو حاسس بايه؟ هو مين البطل ده؟ مين اللي بطل اللي يقدر يعمل ده؟ فلما جاء الموت لعمرو ابن العاصوة في الاحتضار فقال له عبدالله ابنه - [00:08:30](#)

يا ابتي قد كنت تقول انك تتمنى ان رجلا عاقلا يصف لك الموت عند الاحتضار واني اظن كذلك الرجل يا ابتي ماذا تحس؟ فقال له يا بني احسك ان السماء قد انطبقت على الارض. واني بينهما واني اتنفس من ثقب ابرة. ده داء المرحلة - [00:08:40](#)

الحالة اللي هي هنبدا بها الاولانية الاولانية السما اتطبقت على الارض وهو بينهم وبيتنفذ من ثقب ابرة ده لسه المرحلة الاولى ان الاحتضار طبعاً لانه لسه قادر يتكلم ولسه قادر يفكر. ولسه قادر ياخذ ويدي. ولسه قادر يتفاعل مع اللي حواليه. المرحلة الاولى واتقوا يوم - [00:09:00](#)

ترجعون فيه الى الله. مرحلة ان الاحتضار لسه احنا في يوم الموت بقى. اليوم بتاع الموت. يعني ايه؟ يعني يا اخوانا المنزر ده او المرحلة منظر مرحلة تضحك وتذك في نفس الوقت انك تلاقي واحد نايم على فراش الموت وقاعد يتفق وانا ان شاء الله يوم السبت عامل كذا والموضوع الفلاني هخلصه - [00:09:20](#)

ومش قادر يتخيل ان الامر صدر في السما خلاص. وان القوة التنفيذية لاخراج الروح من جسد هذا الرجل. صدرت للقوة التنفيذية بتاعتها خلاص وان هو خلاص انت عارف ضبط واحضار الرجل ده صدر له وطلب ضبط واحضار. الرجل ده صدر له امر ضبط واحضار خلاص. وهو لا يدري - [00:09:40](#)

الراجل ده الروح ممكن تكون خرجت من بعض اجزاء من جسمه. تخرجت من بعض اطراف جسده وهو لا يدري. هو لسه ما هوش حاسس بحاجة. واللي حواليه مش حاسين بحاجة. هو نايم على فراش الموت ولا يدري ان هي ساعة وهبة من اهل الآخرة. او ساعتين او ربع ساعة او خمس دقائق او يوم او يومين ما حدش لسه داري - [00:10:00](#)

مرحلة يوم الاحتضار. مرحلة بدء الخروج التدريجي للروح. اللي غالباً الانسان ما بيحسش به. يعني ايه الانسان ما بيحسش به يا جماعة؟ هو احنا بنتكلم في ايه واحنا بنتكلم في خمسين جنيه اتسرق من جيبيك! احنا بنتكلم في حرامي قاعد جنبك في الميكروباص ونشأل منك محفظتك! ده احنا بنتكلم من روحك! بتتاخذ منك! هو ازاي ما يحسش - [00:10:20](#)

فيها ما باقول لكم منزر يضحك ويبكي في نفس الوقت. احساس ان واحد قاعد في بيت وبعض الناس عايزين يقتحموا عليه البيت. وخلعوا شباك من الشبايبك خلاص وهو مش داري. او واحد قاعد في بيته وصد له طلب ضبط واحضار. والقوة التنفيذية جت. وقطعوا النور بتاع الشارع - [00:10:40](#)

خلاص طالعين على السلم وهو قاعد يضحك جوة البيت وهو مش حاسس باي حاجة. ما هوش حاسس بالواقع اللي حواليه. كان الامام ابي حامد الغزالي رحمه الله كان كان بيقول لك يعني في الرهبة من الموت بيقول لك انت لو قاعد في مكان كله منعومات وانت عارف ان فيه خمسة هيدخلوا عليك الوقتي او ستة هيدخلوا عليك ها - [00:11:00](#)

يعني بهاراوات آآ هيهجموا عليك انت سينغص عليك كل ما انت فيه من نعيم. قال لك طب وملائكة الموت اللي هيجوا عليك دول؟ انت ما انتاش عامل حسابهم ازاي؟ ما دولاً - [00:11:20](#)

عليك فجأة في المرحلة الاولى مرحلة الخروج التدريجي من الروح مرحلة تموتك على روحك من الضحك وتموتك على روحك من البكاء. في نفس الوقت مرحلة الانسان اللي روحه بتتاخذ منه وهو لسه مش حاسس. الانسان المفروض ان الانسان يبقى قضية الموت

دي قضية عنده حساسية رهيبه له - [00:11:30](#)

فيها فيروى عن يعني بعض الصالحين انه يقول لمن حوله انا هموت انا يموت خلاص هو لسة سليم تماما تماما ما فيش عليه اي حاجة فبعض الناس بيفسرها ان الراجل ده راجل صالح وانه يعني بشر ببشرى وانه اعلم في رؤيا. يا اخوانا ممكن يكون الراجل ده من -

[00:11:50](#)

كثر استعدادده للموت حاسس بالقضية. حاسس بالموضوع. عنده احساس بهذا القضية. من وهي لسة في المقدمات بتاعتها. فمن ضمن الغفلة الرهيبه اللي احنا عايشين فيها ان المرحلة الاولى دي ما حدش بيحس بها. ولا حد بيدري بها. ويبقى خلاص الملائكة حضرت في المكان ملائكة الموت. ويبقى خلاص الروح بتخرج - [00:12:10](#)

اخرج من كذا هذا الرجل وهو قاعد يرضى عندها ويزعل من ده ويغضب على ده ويتبسط من ده ويتفق على معاد مع ده ويتعشم انه هيعمل كذا الاسبوع الجاي اتكلم وان شاء الله لما اقوم بقى واروق واقوم بالسلامة هاعمل كذا واعمل كذا. وهو خلاص بدأ في رحلة

ذهاب بلا عودة. هذه هي المرحلة الاولى - [00:12:30](#)

الخفية الدقيقة العالم الثاني. وهو قول الله سبحانه وتعالى كلا اذا بلغت التراقي. دي اخر مرحلة انت لك علاقة بالدنيا فيها. مرحلة لما الروح توصل ما بين الترقوتين. يعني انت نص جسمك بقى ميت ونص جسمك بقى حي. يعني انت نص - [00:12:50](#)

اسمك فيه الروح والنص الثاني ما فيش فيه الروح. مرحلة عجيبة جدا يا اخواني. كأن واحد قاعد على سور ما بين الدنيا والاخرة. فهو ينظر الى هذه وينظر الى هذه او قادر يفكر في دي وقادر يفكر في دي. دي اخر مرحلة من مراحل الاحتضار. انت هيبقى لسة

عندك اتصال بالدنيا فيها. او داري - [00:13:10](#)

الدنيا فيها والروح خلاص عند التراقي. كلا كلا يعني ما فيش حد هيتساب. كلا هذا لا يكون ابدأ. ما فيش حد هيفلت من هذا الامر الا اذا لليقين اذا بلغت ده مرحلة واللي هيبغ عندها خلاص. اذا بلغت التراقي وقيل من راق وقيل من راق - [00:13:30](#)

المرحلة دي يا اخواني في الله التي يقول الله سبحانه وتعالى عنها وظن انه الفراق ظن. ده انا خلاص آآ هو بدأ يحس ان انه اللي بيحصل لي ده هو الموت - [00:13:50](#)

اللي انا فيه ده هو الموت او مال اللي قبل كده لأ ما كانش داري ان هو الموت. اللي انا فيه ده هو الموت وظن انه الفراق. والفراق هو وداع الحبيب للحبيب. غير الهجر - [00:14:00](#)

وداع الانسان لما يكره انما الفراق ده المشهد النهائي في حياة كل واحد مننا. كل شلة نهايتها الفراق. كل زوج وزوجة نهايته من فراق. كل انسان قاعد في شركته او مصنعه او محله نهاية الفراق المشهد النهائي لاي انسان على وجه الارض هي اما هيفارق الدنيا يا اما

الدنيا هتفارقه وظن ان - [00:14:10](#)

اهو الفراق النهاردة وانا رايح خطبة الجمعة فوقفنا على الكوبري اللي على الطريق ده وقفنا ساعة الا ربع فما عدا الخطبة راح. يعني عشان نوصل للخطبة ما عدا الخطبة يعني الظهر ادن علينا واحنا على الكوبري. فانا عارف ان انا خلاص الخطبة رايحة ولكن كملنا في

الطريق يعني نروح حتى الواحد يدي كلمة بعد الخطبة - [00:14:30](#)

يعني تعويضا على ان هذا الامر فاته. طول الطريق كل دماغي في ايه؟ طول الطريق دماغي ايه الزنب اللي انا اتحرمت به من ان انا ادعو الى الله النهاردة. ايه الذنب اللي انا اتحرمت به طول الطريق؟ مش راحم نفسي. طول الطريق كأن انا جايب كبرياج ونازل على

نفسي. انت ايه اللي - [00:14:50](#)

انتم عملتم انت بالتأكيد عملت حاجة. انت بالتأكيد عملت مصيبة. امال اتحرمت ليه؟ طب ما كان فيه طريق تاني وكان ممكن ربنا يرشدك للطريق التاني. وانت ايه اللي خلاك تغفل عن - [00:15:10](#)

استخارة اه وتنسى مسألة الاستخارة. يبقى بالتأكيد انت اتحرمت بسبب زنب تمن انا رايح هناك قلت سبحان الله العظيم. اذا كان ده لوم النفس عشان خطبة راحت مني. امال يا جماعة انسان بيموت هيعمل ايه في نفسه. هيلوم نفسه لوم شكله ايه. انسان -

[00:15:20](#)

وقعد يفتكر حياته اللي ضيعها. ايامه اللي ضيعها. لياليه اللي ضيعها. انت ممكن تزعل على ليلة امبارح اللي انت ما قمتش فيها الليل. الدوا انت مش متخيل انت هتعمل في نفسك ايه وانت نايم على فراش الموت على هذه الليلة وعلى كل ليلة وعلى كل تلتاشر واربعتاشر وخمستاشر ما صمتهمش وعلى كل فرصة - [00:15:40](#)

ضيعتها وعلى كل فرصة تحفيظ قرآن سبتها. وعلى كل درس علمي تخليت عنه. وعلى كل انت مش متخيل انت هتعمل في نفسك ايه. انت عشان كده الاية دي جت في في سورة ولا اقسام بالنفس اللوامة. انت مش متخيل انت هتلم نفسك قد ايه. وظن انه الفراق - [00:16:00](#)

قاعد قدام عينيك. مشاهد لكل الاعمال السيئة اللي انت عملتها. لكل التقصير اللي انت قصرته طوفان مشاعر. وطوفان افكار للانسان اللي نايم على فراش الموت في هذا الوقت. يا اخوانا هي دي المرحلة اللي بيحصل فيها اخطر فتنة في حياتك كلها. الفتنة اللي النبي عليه الصلاة والسلام - [00:16:20](#)

بيستعيز اخر كل صلاة منها واعوذ بك من فتنة المحيا والايه والممات والممات فتنة الممات. لان دي اخر مرحلة انت بيبقى لسه عندك واكفيها. او لسة عندك اتصال بالدنيا فيها. او قادر تتفاعل مع من حولك فيها. مرحلة التراقي. دي مرحلة اللي الشيطان - [00:16:40](#) اخر فرصة له لفتنة الممات. ازاى؟ الشيطان له خط سير معك. بيحاول معك الاول آآ يعني الشيطان اول حاجة بيعملها مع الشاب او البنت او الرجل او المرأة بيدأ يدخله في الاختلاط ان المرأة اذا خرجت من بيتها استشرها الشيطان. اهي خرجت اهي. المرأة ديت بتخلي تفاعل الفساد خروجها من البيت. تفاعل - [00:17:00](#)

في المجتمع يتصارع جدا. عارف لما يقول لك حنة اللحمة من غير انزيمات المعدة محتاجة خمسين سنة عشان تتهضم. بانزيمات المعدة ساعتين بس اهو الاختلاط والمعازف بالنسبة للشيطان عاملين زي انزيمات المعدة. تفاعل الفساد والضلال في المجتمع. محتاج منات - [00:17:20](#)

السنين عشان يتم لو حصل اختلاط ومعازف في المجتمع تفاعل الفساد بيصبح اسرع ما يكون. بيصبح في قمة عشان كده الشيطان اول شخصية تمثل بها في تاريخ البشرية. كان شخصية مغني راعي لم يسمع لصوته مثيل - [00:17:40](#) كان ينزل كل سنة حفلة سنوية فيغني للناس فيجتمع الرجال والنساء عليه. حفلة سنوية. فبدأت النساء اللي متجوزين رجال ليسوا ليس عندهم حظ من الجمال يشوفوا الرجال اللي اجمل. وبدأ الرجال اللي متجوزين نساء ما هماش على مستوى الجمال يشوفوا النساء اللي اجمل. فوقت - [00:18:00](#)

البشر في الزنا. يعني اول حاجتين الشيطان عملهم في البشرية. المعازف والاختلاط. المعازف والاختلاط جابوا الزنا. يقوم الشيطان يدخل في مرحلة فجر الشهوات. تفجر الشهوات يقسي قلب الانسان. يخليه انسان قلبه اسود. فلما تعرض عليه الشبهات يقبلها. لما تعرض عليه - [00:18:20](#)

يقبلها. لما تعرض عليه الليبرالية يقبلها. لما تعرض عليه الاحاد يقبله. لما تعرض عليه الروبوية يقبلها. لما يعرض عليه اي ملة من ملة البطن اللي يقبلها فيبدأ يدخل في مرحلة الشبهات. بعد كده الشيطان يدخله في مرحلة الكفر والعياذ بالله. ويتحول الانسان كافر بدأ من ايه؟ يبقى الشيطان له - [00:18:40](#)

خط السير ده محتاج سنين عشان الشيطان ينجح فيه. طب الوقت الراجل ده نايم على فراش الاحتضار. الراجل ده في اخر دقائق من اشتراك في حياته. الشيطان هيقعد بقى يشغل معه على وسواس المعاصي. هيقعد بقى يشغل معه يقول له مش هتقدر تطيع ربنا. يقول لها لا لا خلاص - [00:19:00](#)

راح اومال ايه ده تشكيل مباشر. يعني ايه تشكيل مباشر؟ يعني الوقتي الشيطان بيشكل مباشرة على الكفر. الشيطان ما عايش بيشكل على المعصية الشيطان ما عايش بيسخن الشاب ويشكله على المعصية. ده بيشكك في العقيدة. ده بيرمي شبهات في العقيدة. عشان يموت هذا الانسان كافر. فتنة - [00:19:20](#)

في الممات هي دي المرحلة بتاعتها. قال تعالى ان الذين تولوا منكم يوم التقى الجمعان انما استذلهم الشيطان الشيطان ببعض ما

كسبوا. عاق الوالدين هيعمل ايه ساعتها؟ اللي كان بيشوح لاهه وابوه. الشيطان ممكن ببعض زنوبه دهيت يضيعه قد ايه ساعتها -

[00:19:40](#)

الانسان اللي كان مدمن معاصي سر. الانسان اللي كان مدمن نزر حرام. الانسان اللي كان مدمن مال حرام. الانسان اللي كان متناقل على طاعة ربنا هيعمل ايه ساعتها؟ هيعدي المرحلة دي ازاي؟ انما استزلهم الشيطان ببعض ما كسبوا. الشيطان وهو في اقوى حالاته -

[00:20:00](#)

بسبب ذنوبه. امال وهو في اضعف حالاته الشيطان هيعمل فيه ايه؟ مرحلة التراقي كلا اذا بلغت التراقي. وقيل من والملايكة بتتكلم مع بعض مين اللي هيطلع من روحه؟ ملايكة الرحمة اللي هتنزل ولا ملايكة العذاب؟ وملائكة الرحمة انواع وملائكة العذاب انواع -

[00:20:20](#)

ده يا اخواننا ده دي قصص يا اخواننا. انتم عارفين قوات البوليس مسلا وهي رايحة تقبض على حد. قوات القبض على تاجر مخدرات. غير قواد القبض على آآ على مسلا حرامي غير قوات القبض على واحد على شيك. غير قوات القبض على ارهابي من

[00:20:40](#) الارهابيين اللي زيكم. غير قوات القبض على كل واحد -

له معاملة شكل غير الثاني. فانت متخيل معي المنزر الملايكة وقيل من راق. مين اللي هياخد روحه. اوعى تفكر المنزر ده سهل. ده قتل المنة وهو بيموت نزلت ملايكة الرحمة وملايكة العذاب. ملايكة الرحمة ماسكة السجلات بتاعتها. الراجل ده عمل حاجات يدخل

[00:21:00](#) بها الجنة -

ملايكة العذاب معه السجلات بتاعتها. الراجل ده عمل حاجات لا يمكن الراجل ده يدخل جنة. الراجل ده داخل جهنم يعني داخل جهنم. انتم متخيلين وربنا من حكمته انه يترك اللاتنين ينزلوا ليه؟ عشان ربنا يعلمنا ان انت كل اعمالك الصالحة ملايكة الرحمة محصاة

[00:21:20](#) عندها -

وكل اعمالك السيئة ملايكة العذاب محصاة عندها. الموضوع ما هوش هزار. الموضوع ما هوش لعبة. يعني انت ممكن يجي لك في قبرك ملايكة وملائكة عذاب. وربنا ينجيك باحدهما من الاخرى بقى. ليه؟ لان دي معها تقرير عنك ودي معها تقرير عنك. وقيل من راق

[00:21:40](#) احصاء -

ان ادق ما يكون مين اللي هيطلع بروح ده؟ رحمة ولا عذاب؟ ولو رحمة اي نوع. ولو عذاب اي نوع وظن انه الفراق هو لاول مرة هيبدا يفكر في اللي هو رايح له. الراجل ده ما فكرش في اللي كان رايح له يا جماعة. لاول مرة يبدا يفكر في الموت. هيبدا يفكر في

[00:22:00](#) القبر. هيبدا -

اما شفت اه يعني رؤية كده والله اعلم هي رؤية ولا غير رؤية من ايام كده او من اسابيع قليلة ان انا مت والمفروض ان انا يعني ايه ادخل القبر بقى؟ يعني ايه؟ يعني انا قاعد يعني في الرواية طول الرؤية سبحان الله! يعني انا هدخل القبر ازاي؟ طب هدخل طب

[00:22:20](#) وبعدين ده ده -

امر انا ادخل قبر برجلي انا انا عايزك تتخيل معي انا صحيت من النوم اول مرة في حياتي احسن ان الموت نعمة. لانك لو كنت انك تدخل القبر بمزاجك تكليف فيما لا يطاق. يا اخوانا ده مصيرك جوة المكان ده. هو انت داخل ده انت داخل القبر برجليك. هي دي

[00:22:40](#) قضية سهلة -

انا ربنا يعذنا من شر ما رأينا يا رب. اللهم امين. وان كان الموضوع اللي انا قصدي عليه انك انت تتخيل كده انسان بيفكر في الموت هدخل القبر هدخل القبر هقول ايه هو القبر ده. ده القبر ده عوالم على عوالم. وظن انه الفراق والتفت الساق بالساق ما هوش عارف

[00:23:00](#) يروح فين. ما هو لا عارف -

يطلع ولا عارف يرجع. دي مرحلة الثانية. المرحلة الثانية من مراحل الاحتضار. مرحلة التراقي. مرحلة ان نص الجسم حي ونص الجسم ميت. نص الجسم فيه روح. ونص الجسم ما فيش فيه روح. مرحلة من اعجب ما تكون. ربنا سبحانه وتعالى جعل جوارحك

[00:23:20](#) قدام -

قدام عينيك ما عدتش قادر تحركها ولا قادر تستفيد منها. ايديك اهي ما عادتش تنفع تمسك مصحف. رجليك اهي ما عادتش تنفع تمشي للمسجد ربنا بييريك جوارحك اللي كانت امبارح ملكك تفعل بها ما تشاء من امور الطاعة. النهاردة ما عدتش قادر تعمل بها حاجة - [00:23:40](#)

سب نفسك يا ابن ادم قبل ما ساعات وهتنزل تحت التراب وهتتحاسب من ملائكة القبور. العالم الثالث والمرحلة الثالثة في مراحل الاحتضار وفي عالم ما وراء الاحتضار وجاءت سكرة الموت. يعني ايه السكرة يا جماعة؟ هي دي المرحلة اللي - [00:24:00](#) الدنيا قطعت يعني ايه الدنيا قطعت؟ الراجل ده لا عاد بقى ظن فراق ولا عاد ظن غير فراق. ولا عاد الراجل ده انتهت علاقته بالدنيا. الراجل ده ما عدش - [00:24:20](#)

واقف على السور شايف الدنيا من ناحية فيه الراجل ده انتهت علاقته بالدنيا. الراجل ده الله اعلم هو بييفكر ولا ما بييفكرش. هو لسه هو ممكن يكون يقدر يناجي ربنا. انما انه يفكر في الدنيا هو لم يعد يرى دنيا. يقول لك السكران. ليه اتسمى اللي شرب خمره سكران؟ لان عقله اتقفل ما عدش داري - [00:24:40](#)

لقالوا انما ولو فتحنا عليهم بابا من السماء فظلوا فيه يعرجون لقالوا انما سكرت ابصارنا عنينا اتعمت ما عدناش شايفين جاءت سكرة الموت كل حاجة قفلت. لا عاد يقدر يسمع ولا يشوف ولا يحس باللي حواليه ولا يبيل بق مائة ولا يحرك - [00:25:00](#) ولا يحرك رجل. الراجل ده زي بالزبط لما الكهربي تقطع الوقتي. كهربي تقطع. تلاقي اللمض وقفت والمراوح وقفت. والميكروفون وقف. ولو الكاميرا دي شغالة بتقوم بالكهربي وقف والكمبيوتر اللي ببس كل حاجة وقفت. كل حاجة انتهت في لحظة. اذا ان العبد المؤمن اذا كان - [00:25:20](#)

قطاع من الدنيا اتقطعت الدنيا عنه. فدي المرحلة الثالثة. مرحلة ان الراجل ده اتقطعت عنه الدنيا. انتهت اخطب الدنيا لم يعد يرى ولا يسمع اي شيه من امور الدنيا. الراجل ده بيتجهز ان هو يدخل بعد كده في اول مرة هيشوف الاخرة - [00:25:40](#)

لاول مرة سيرى الدار الاخرة بس لسة مش المرحلة ديت. دا المرحلة اللي بعدها. انما المرحلة الثالثة اللي احنا فيها جاءت سكرة الموت بالحق ذلك ما كنت منه تحيد. انت كنت بتبعد وكنت بتهرب ولكن انت دلوقت في مرحلة في غاية العجب. في - [00:26:00](#) غاية العجب انتهت علاقتك بالدنيا تماما عشان تؤهل للمرحلة الرابعة او العالم الرابع من عوالم الاحتضار وهي مرحلة رب ارجعون ودي مرحلة عجيبة جدا يا اخواننا. ومرحلة خطيرة جدا لاول مرة هتشوف الاخرة. لاول مرة بس الراجل ده - [00:26:20](#) خلاص ما عدش شايف يعني الراجل ده ما عدش شايف حاجة من الدنيا. الراجل ده شايف الاخرة بقلبه ولا شايف الاخرة بعينيه الله اعلم. الله اعلم ايه الاداة اللي بيشف بها. المراحل - [00:26:40](#)

دي مش معنى انك مش حاسس بها انها مش موجودة. مش معنى انك ما انتاش داري بها انها مش موجودة. ده واقع يجب ان تقن به ويجب ان تستعدي له - [00:26:50](#)

ولو ترى اذ فزعوا فلا فوت. العلماء قال لك فزع من ايه؟ قال لك دا مرحلة رؤية الملائكة لاول مرة. ها دا قول من قل في الاية مرحلة لاول مرة يرى الملائكة لاول مرة يرى ملائكة الموت سواء ملائكة رحمة او ملائكة عذاب طب ايه اللي فزع فيه - [00:27:00](#) ايه اللي فزع؟ عارفين ايه الفزع اللي فيها يا اخوانا؟ ان هو متخيل ان الموضوع بسيط. عارفين واحد مسلا يعني سرق مسلا ايه؟ باكو بسكوت مسلا بنص جنيه ظنوا ان الموضوع بسيط. فجأة لقي اتناشر عربية تشكيل امن مركزي تحت البيت. وانزال بالمروحيات والمظليات من فوق البيت وقوات - [00:27:20](#)

صعقة بتقتحم البيت. فالراجل مش مش قضيته ان هو مرعوب قد ما قضيته ليه؟ هو ايه اللي حصل؟ هو الموضوع طلع خطير بالمنزر ده. او واحد مسلا شتم واحد في الشارع فهو مش عارف ان اللي شتمه ده مسلا لوا ولا مدير امن ولا وزير داخلية ولا رئيس معين ايا ما كان يعني ما هوش عارف هو شتم في - [00:27:40](#)

مين بالزبط؟ فهو روح البيت وهو مش واخذ باله مين اللي التجراً عليه؟ فيفاجأ ان الدنيا كلها مقلوطة حواليه. فيبدأ يفكر هو انا

عملت ايه ؟ يبدأ يراجع هو ده اللي بيحصل ساعتها ان الانسان لما بيشفو عدد الملايكة اللي نازل له مد البصر سواء ملايكة رحمة او ملايكة عذاب. يجلسون منه مد - [00:28:00](#)

الاف مؤلفة من الملايكة ليه ؟ هو الموضوع كان خطير للدرجة ديت ؟ هو الموضوع عظيم للدرجة ديت ؟ عشان كده ولو ترى اذ فزعوا فلا فوت ولا واحد هيتساب. الفزع هنا من لو هي ملائكة عذاب من المنزر بتاعها او من مشهد ملك الموت والفزع هنا برضه - [00:28:20](#)

من الفزع من عدد الملايكة كل دول عشان ايه ؟ ليه ؟ فرنا بيصور هذا المشهد في قوله سبحانه وتعالى وهذه المرحلة حتى اذا جاء احدهم الموت قال رب ارجعون لعلي اعمل صالحا فيما تركت. حتى اذا جاء احدهم قال رب ارجعون للمفسرين - [00:28:40](#)
قالوا رب ارجعون دي الاحتضار وهو نايم على فراش الاحتضار ولكن احنا هنا بنقول ان الاحتضار ده طلع موضوع كبير ده انه في مرحلة من مراحل الاحتضار ده مرحلة رؤية العالم الاخر لاول مرة. ده مرحلة يعني دي استغاثة من العالم الاخر. الراجل ده ما عادش خلاص في الدنيا - [00:29:00](#)

يعني دي مرحلة اول مرة يشوف ملايكة الموت. اول مرة يشوف الاخرة. يعني شوفوا الراجل ده بيتسحب من الدنيا ازاى. واحدة واحدة بتسحب بعد كده يبدأ الروح عند التراقي. يبدأ يشوف الدنيا بنزرة جديدة هو بيحاسب نفسه ويلوم نفسه. بعد كده السكره ما عدش داري باي دنيا. بعد كده - [00:29:20](#)

رب ارجعون اول مرة اشوف ملائكة الموت وهو لسة ما هوش عارف ده جنة ولا نار ولا نعيم ولا حساب. ولكن ممكن من منظر وجوههم يعرف الموضوع ايه حتى اذا جاء احدهم الموت قال شف قال ايه ؟ قال رب ارجعون لعلي اعمل صالحا فيما تركت - [00:29:40](#)

ست كلمات قالها. كل كلمة منهم لو كان قالها وهو سليم ومعافى كان ممكن يدخل بها الجنة. الست كلمات دول لو كان قالهم في الدنيا وهو كان ممكن يبقى من اهل الفردوس الاعلى بسببها. قال حتى اذا جاء احدهم الموت قال شف قال ايه ؟ اول كلمة رب اخيرا عرفت ان لك رب - [00:30:00](#)

اخيرا عرفت ان لحمي اتافك من خير ربك. اخيرا عرفت ان لك مولى ان لك مولى يجب انك انت تسجد له وتعبد. اخيرا عرفت قال اب ارجعون ارجعون ديت ضمير جماعة. يعني يعني هنا ارجعون جماعة. طب هو بيكلم ربنا ليه بالجماعة ؟ لان دي الجماعة تدل على التعظيم - [00:30:20](#)

يعني ايه ؟ اخيرا عرفت ان ربنا عظيم. اخيرا كلمت ربنا بما يليق بجلال الله. اخيرا عرفت عزمة ربنا وكنت امبارح بتستهين به. وكنت امبارح بتخليه اهون الناظرين اليك في معصية السر. وكنت امبارح بتتجرأ وتتفرج على كذا او تعمل العادة الفلانية. او تكلم كذا او - [00:30:40](#)

الرأي على كذا او تخطط لمعصية كذا. اخيرا عرفت عزمة ربنا وعرفت جلال ربنا. وانت كنت بتستهين بحرماته امبارح رب ارجعون لعلي للتمني والترجي واللهفة. يا رب انا ملهوف ان انا اعبدك. انا ملهوف ان انا اطيعك. نفسي اعبد - [00:31:00](#)
يا رب لعلي نفسي اسجد لك واصوم لك يا رب. نفسي اذكرك يا رب. الوقت نفسك تعبد. الوقت بتفكر انك ملهوف على عبادته. كانت

فين اللهفة دي امبارح ؟ كانت فين اللهفة دي وانت بصحتك وبقوتك في الدنيا. النهاردة جاي ملهوف على - [00:31:20](#)
التزام وانت امبارح كنت بتتخفق من كل واحد يدعوك له. وامبارح كنت بتتهرب من اي حد يذكرك به. وامبارح الوقت بقيت ملهوف على الدين فجأة وبقيت نفسك تلتزم وبقيت نفسي اتوب. نفسي اتوب انا من الزنوب واكون قريب من الله. ونفسي ارجع لك يا رب. ونفسي اعبدك يا رب - [00:31:40](#)

بعد ايه ؟ بعد ايه جاي تقول الكلام ده ؟ لعلي اعمل. اعمل فعل مضارع ولا ماضي! مضارع يفيد استمرار يا رب مش هبطل ليل ولا نهار. يا رب مش هبطل عبادة. يا رب هقطع سجاجيد الصلاة بين العبادة وبين الصلاة. يا رب - [00:32:00](#)
هعبدك والله يا رب ما عدت هبقى رمضان. اصلي في رمضان وباقي السنة ما اعملش اي حاجة. يا رب هاعبدك في كل السنة. يا رب

اعبدك في كل الايام يا رب هعبدك في الليل والنهار. يا رب مش هضيع ولا ساعة برة عبادتك. لعلي اعمل اعمل صالحا بالنكرة للتعظيم - [00:32:20](#)

يا رب هعمل كل الاعمال اللي ترضيك يا رب. مهما كانت الجهاد بتحبه يا رب. هجاهد يا رب. هجاهد. الصيام في الايام الحر بتحبه يا رب هصوم في الحر يا رب الصدقة بالمال كله بتحبها. هاطلع كل اللي في جيبي يا رب. انا يا رب ما عدتش هاستعظم طاعة. ولا هاستصعب طاعة. لعلي اعمل صالحا - [00:32:40](#)

اه نكرة للتعظيم. انا يا رب كتاب شعب الايمان ده هخلصه كله. انا يا رب مش هسيب عبادة مش هعملها. بس رجاني يا رب. لعلي اعمل صالحا فيما تركت؟ فيما الاستقصاء والاستغراب؟ يا رب انا فيما تركت دي يعني يا رب انا يا رب والله ما هسيب مليم في مالي - [00:33:00](#)

مش هعبدك به. مش هسيب زرة في طاقتي مش هعبدك بها. مش هسيب فكري جواي او موهبة عندي مش هعبدك بها. انا يا رب هديك كل حاجة انا يا رب باوعدك اني بانزر لك كل ما املك لعبادتك ولطاعتك لو رجعتني. انا يا رب مش هارجع هاقول شوية للدين وشوية للدنيا. زي ما كان - [00:33:20](#)

اتعرض علي لا والله يا رب. انا ما عدش هيبقى عندي غير دين. انا ما عدتش افكر غير في الدين. انا ما عدتش هستغل اي حاجة ادتها لي غير في الدين. يا نهار ابيض - [00:33:40](#)

شوفوا الراجل بيقول ايه شوفوا بيقول ايه على فراش الاعتذار بيقول كلام لو كان قاله لربنا وهو سليم الراجل ده كان اقل حاجة في دوسة اعلى. اقل حاجة. وربنا بيقول لك كلا انها كلمة هو ايه؟ قائله يعني ايه هو قائلها؟ قال لك يعني هيفضل يكرر الكلمة دي من بعد الموت لحد - [00:33:50](#)

ما بيعس يوم القيامة. يعني هيفضل يصرخ في القبر طول حياة البرزخ بهزه الكلمة. يعني طب لو كنت انت كررت الكلمة دي في الدنيا ولكن للاسف الشديد المرحلة الثالثة الرابعة يا اخواني وهي مرحلة رب ارجعون وهي مرحلة لاول مرة يشوف الملايكة. لاول مرة - [00:34:10](#)

قرر يشوف ملائكة الموت العالم الخامس او المرحلة الخامسة من مراحل الاحتضار وهي مرحلة فلولا اذا بلغت الحلق لولا اذا بلغت وانتم حينئذ تنظرون امر واقع. خلاص الموضوع انتهى. عشان كده المرحلة دي جت في سورة الواقعة. سورة الواقعة اللي بتتكلم عن الامر - [00:34:30](#)

في الواقع. فجابت لك المرحلة اللي بتاعة الموت اللي فيها الامر الواقع. ما عدش حد قادر ينطق كلمة. ولا حد يقول من راق بقى اجره هاتوا حد يرقيه. الكلام ده خلص - [00:34:50](#)

خلاص عدناه كله قاعد ينظر زي الست اللي احنا كنا في مستشفى الجامعة كده كلنا قاعدين نبص لها وكل المريضات اللي معها في القسم قاعدين يبصوا لها خلاص وانتم حينئذ - [00:35:00](#)

الفرون كله باصص مزهول هو فيه ايه؟ كله باصص مرعوب، هو فيه ايه؟ هي ما لها؟ هي بتعمل كده ليه؟ هي مش سمعانة ليه؟ هي بتصرخ ليه؟ هي دي - [00:35:10](#)

عالم ثاني ولا بتعمل ايه؟ كله باصص وقاعد دماغه ديت مولعة من التفكير وهو قاعد يبص على المنظر ده. ما هوش فاهم فيه ايه! اهي هي ديت المرحلة الخامسة وهي مرحلة لولا اذا بلغت الحلقوم. طبعا يا جماعة مرحلة الحلقوم احنا ممكن نقول الكلام العام عنها ان دي مرحلة - [00:35:20](#)

الالم يعني ايه مرحلة الالم؟ يعني الم الموت كله في المرحلة دي. يعني كل اللي فات ده مش الم موت. كل اللي فات ده احداس الالم نفسية، واحداس انفعالات نفسية مهولة. انما مرحلة الحلقوم دي مرحلة الالم البدني. الالم البدني. يعني ايه مرحلة الالم البدني؟ يعني الروح وهي في - [00:35:40](#)

المكان اللي طول عمر النفس بيدخل منه في الحلق. الروح وهي في المكان اللي طول عمر الاكل والشرب بينزل منه. الروح وهي في

المكان اللي كان اسباب الحياة بتدخل لجسمك منه - [00:36:00](#)

الروح وهي في المكان ده. لو الراجل ده هيعذب في موته معناه ان الملائكة مش هتخرج روحه من الحلقوم. فترة على قد بقى ما هو مكتوب له يعذب في موته. لو الراجل ده - [00:36:10](#)

لو الراجل ده هيكفف عنه الموت يبقى الحلقوم دي مش هتطول. يعني الم الم الموت كله على حسب مرحلة الحلقوم دي. يعني القصة كلها بتاعة الالم يعني مرحلة الحلقوم دي اللي الطب بيسميها مرحلة الايه ؟ ها؟ يقول لك يعني ايه العيان بيحسد ؟ يعني انت الوقتي وانت قاعد قدامي انت بتاخذ في الدقيقة - [00:36:20](#)

خمس وعشرين نفس. يعني انت كل دقيقة من غير ما تحس بتسحب خمسة وعشرين نفس وتخرجهم. مرحلة العيان بيتجوز من ديت ها مرحلة ان انت كل عشرين سانية بتاخذ نفس او كل خمستاشر سانية بتاخذ نفس. تلاقي العيان خمستاشر سانية صامت وبعد كده يقوم واخذ نفس كده وبعد كده خمستاشر سانية - [00:36:40](#)

اصابة وكده وبعد كده خمستاشر لما الممرضة تقول العيان بيحس معناها انك خلاص الراجل ده ايه القصة دي خلصت اصلا ده خلاص ده مرحلة حلقوم ده مرحلة لولا اذا بلغت الحلقوم فدي مرحلة الالم بتاعة الموت. يعني لما نقول يا رب يسر علينا الموت يبقى معناها يا رب مرحلة الحلقوم دي مش عايزين نعيشها اصلا - [00:37:00](#)

الروح تخرج كده تسيل كما تسيل القطرة من غير هذا الالم. فهذه هي المرحلة. طيب ايه مرحلة الحلقوم دي يا جماعة؟ احنا بنقول دي الاحتضار ده عالم. طب الحلقوم ده بيحصل فيه ايه ؟ اسمع بقى الايات اللي بتتكلم عن هذه المرحلة. اسمع بقى الايات التي تتحدث عما يحدث في - [00:37:20](#)

هذه المرحلة اول حاجة الحديث اللي النبي عليه الصلاة والسلام قاله حديس البراء بن عازب لما بيرى ملائكة الموت لو هو فاجر او كافر والعيان بالله النبي قال حد عارف النبي قال ايه على الروح بيحصل لها ايه ها - [00:37:40](#)

فتفرق في جسده. الروح من الفزع ترجع الجسم تاني. وربنا يتركها. ليه عشان في المرحلة السادسة اللي هنتكلم عنها بقى. الروح تتشد من كل عرق وعصب. والعيان بالله. انما ايه اللي بيحصل في الحلقوم - [00:38:00](#)

اسمع قول الله ولو ترى اذ الظالمون في غمرات الموت. مش الظالمون في الموت في ايه؟ غمرات. ده ان واحد في قاع بحر مش عارف يتنفس تحت بحر تحت بحر مغمور في غمرات. ولو ترى اذ الظالمون في غمرات - [00:38:20](#)

الموت غمرات جمع ونكرة وتعظيم. يعني الراجل ده مخمور مغمور في ايه ؟ الموت ده كأنه بحر وهو في القاع بتاعه ويعني ايه ؟ موضوع مهول يا جماعة. انت عارف يعني ايه انت تتحط في قاع المحيط الاطلنطي لوحده؟ مسلا يعني متصور الاية بتصور لك ان الموت ده بحر - [00:38:40](#)

الموت ده محيط. الموت ده عالم وانسان محطوط جوة العالم ده. ولو ترى ولو ترى اه لو تشوف ولو ترى اذ الظالمون في الموت اسمع بقى والملائكة باسط ايديهم. اخرجوا انفسكم. دي مرحلة الحلقوم. يبقى من ضمن افعالنا - [00:39:00](#)

ان الروح لما توصل للحلقوم الملائكة تسيبها. خرج روحك بقى. مش انت بتتألم وعايز تخلص خرج روحك. طب ممكن تحصل حاجة تانية في مرحلة الحلقوم اخرجوا انفسكم غير ان مرحلة الحلقوم دي يرتد الالم فيها. ويترك الالم فيها. ويزيد الالم فيها بالمنزر ده. اه ولو ترى - [00:39:20](#)

ارضوا ولو ترى ولو ترى ايه اذ فزعوا فلا فوت لأ ما احنا قلنا اذ فزعوا ديت مرحلة الثالثة بتاعة اول مرة يرى الملائكة المرحلة الرابعة قصدي اول مرة اري الملائكة امل ولو ترى اذ يتوفى الذين كفروا الملائكة يضربون وجوههم وادبارهم - [00:39:40](#)

يضربون الله! هو مرحلة الحلقوم دي ممكن يبقى فيها ضرب! هو مرحلة الحلقوم دي ممكن يبقى فيها تعذيب مادي! وبداية تعذيب من الملائكة! لو الراجل ده عمل انواع من المعاصي تستوجب عذاب في هذه المرحلة ياه! يعني سبحان الله حتى اذا جاءتهم اسلنا

يتوفونهم اية سورة الاعراف - [00:40:00](#)

ده ضمن مرحلة برضو هذا الاحتضار حتى اذا جاءتهم رسلنا اي توفوا ولم يتوفونهم مضارع. يعني كأن المشهد قدام عينيك اهوات.

يعني كأن العملية دي لسه بتحصل. الراجل ده روحه بتطلع اهو. انت تحت البس المباشر لخروج الروح من جسد هذا الرجل. حتى اذا جاءتهم الملائكة - [00:40:20](#)

اوفونهم؟ قالوا اينما كنتم تدعون من دون الله. حوار الملائكة بتفتح معهم حوار. يبقى يضربون وجوههم وادبارهم. يبقى تعذيب بدني ها يبقى اينما كنتم تدعون حوار. اخرجوا انفسكم ترك. يعني اذا الحلقوم ده عالم يا جماعة. الحلقوم - [00:40:40](#)
ده مش حاجة سهلة كده. الحلقوم ده عالم من الاحداث. وكل واحد له معاملة غير الثاني. طب امال الحلقوم بتاع الصالحين ايه؟ احنا قاعدين نتكلم يا جماعة عن الموت بتاع الانسان العاصي. اومال الموت بتاع الصالح الحلقوم بتاع حد يقدر يقول لي مرحلة الحلقوم بتاعة الصالحين جت في اية ايه - [00:41:00](#)

اللي هيقول لي هياخد ده هدية. حد يقدر يقول لي مرحلة الحلقوم بتاعة الصالحين جت فيها ايه اه اية ايه؟ ماشي جميل عايزين الاية اللي الحلقوم جميل انا عايز الاية اللي جت في الحلقوم بالزبط. لو - [00:41:20](#)
اذا باغت الحقول دي خلاص ده الموت العام انا عايز الصالح الله الذين تتوفاهم الملائكة طيبين يقولون سلام عليكم. مين اللي قالها؟ طبيب اتفضل طب اديها له اهديه ربنا ياخذها. طب في اية تانية؟ في اية تانية يا جماعة واضحة جدا وكلكم عارفينها. ان الذين - [00:41:50](#)

قالوا ربنا الله ثم استقاموا تنتزل عليهم الملائكة الا تخافوا ولا تحزنوا وابشروا بالجنة التي كنتم توعدون يعني سبحان الله العظيم احتضار الصالحين وموت الصالحين مذكور في القرآن. انتم عايزين تأدونا العشاء ولا ايه؟ الحمد لله - [00:42:20](#)
كفى وصلاة وسلاما على عباده الذين اصطفى. اللهم لك الحمد كله ولك الملك كله وببيدك الخير كله واليك يرجع الامر كله. اما بعد احد اخواني واحبابي في الله يعني لا زلنا مع مراحل آآ الاحتضار لا زلنا مع آآ مراحل الاحتضار آآ وقلنا - [00:42:40](#)
المرحلة الاولى مرحلة وانتقوا يوما ترجعون فيه الى الله. قلنا يعني دي بداية مرحلة خروج الروح. قلنا المرحلة الثانية كلا اذا بلغت التراقي وقل دي مرحلة فتنة الممات وديت اخر مرحلة الانسان بيبقى واعى بها. بالدنيا او ما يحدث في الدنيا ودي اخر فرصة للشيطان. من اجل ان هو يفتن الانسان عن الدين - [00:43:00](#)

المرحلة الثالثة قلنا مرحلة اه رب ارجعون اللي هي اول مرة الانسان يشوف الملائكة. اول مرة يشوف ملايكة الموت ويصدم باعداد ملائكة الموت قلنا المرحلة الرابعة وهي مرحلة آآ اسف المرحلة السالسة وجاءت سكرة الموت بالحق اللي هي مرحلة السكرة مرحلة ان هو ما عدش - [00:43:20](#)
داري بالدنيا خلاص. المرحلة الرابعة رب ارجعون. لاول مرة يرى ملائكة الموت ولاول مرة يرى الاخرة. واول حاجة يشوفها من الاخرة اللي هي ملائكة الموت سواء ملائكة رحمة او ملائكة عذاب. المرحلة الخامسة لولا اذا بلغت الحلقوم وقلنا ان هذه المرحلة عالم من العوالم كبير من - [00:43:40](#)

قوالب وليست مجرد مرحلة عادية. وان دي هي مرحلة الالم. المرحلة السادسة او العالم السادس من مراحل الاحتضار. وهي التي سمي باسمها سورة سور القرآن سورة النازعات وهي قول الله والنازعات غرقا والناشطات نشطا. مرحلة النزع - [00:44:00](#)
مرحلة اخراج الروح نهائيا من الجسد والصعود بها الى السماء اما ان تفتح لها ابواب السماء او تغلق دونها ابواب السماء والعياذ بالله فدي مرحلة النزع. طيب وبعدين يا جماعة ودي برضو مرحلة الم. طب وبعدين يا اخوانا طب بالنسبة للمؤمن بالنسبة
للانسان المؤمن - [00:44:20](#)

القرآن والسنة بيصوروا احتضار المؤمن ازاى؟ مرحلة الحلقوم عند المؤمن قلنا تنتزل عليهم الملائكة ده فرح ده مش ميتم يا جماعة ده مش موت ده فرح انسان الملائكة تنتزل تتفعل. صيغة التفاعل يعني افواج ورا افواج. مرة بعد مرة يعني فرح الملائكة نازلة بتفرحه - [00:44:40](#)

بشروا كنت لسة يعني بزور احد المرضى عنده سرطان كبد ربنا يشفيه يا رب. بيقول لي هو الموت ده حاجة الانسان يزعل منها. هو ان الانسان لما يقرب من ربنا - [00:45:00](#)

الانسان لما يلقى ربنا سبحانه وتعالى والله يفاجئنا يا جماعة. يعني الواحد راح يوعظه هو اللي وعظ الواحد. سبحانه الله العظيم. وبيقول لك والموت ده قلت كم واحد من اللي شكلهم ملتزم من برة ممكن لما ينام النومه ديت ممكن يقول الكلام ده. ممكن لما ينام النومه ديت ممكن يتذكر هذا الكلام وهذه المعاني - [00:45:10](#)

مرحلة التراقي عند الصالحين. كانت روح الحبيب تغرغر. كانت رح الرسول محمد صلى الله عليه وسلم. تغرغر في صدره الروح بتخرج من الصدر اهو وهو يقول الصلاة الصلاة وما ملكت ايمانكم. يعني الروح عند التراقي. وهو يقول الصلاة الصلاة - [00:45:30](#) التوبة ملكت ايمانكم. شوفوا مشغول بايه فين؟ قال تعالى ام كنتم شهداء؟ اذ حضر يعقوب الموت. اذ قال لبنيه ما تعبدون من بعدي سيدنا يعقوب مش قاعد بقى وسند على مخدة كده عليه السلام وبيتكلم يا اخوانا ده في ده في الاحتضار يا اخواننا حضر يعقوب الموت في الاحتضار - [00:45:50](#)

ده الروح في التراقي. ده ده الروح بتغرغر في الصدر. وهو يقول ما تعبدون من بعدي ويطمئن على العقيدة ويدعو الى التوحيد يعني مرحلة احتضار الصالحين قال تعالى والناشطات نشطة. جو النشاط ده جو فرح. جو النشاط ده جو فرح. كما قال النبي صلى الله عليه وسلم عنه - [00:46:10](#)

خروج روح المؤمن تخرج تسيل كما تسيل القطرة من في السقاء. شف اهو السقاء اهو. ادي كوباية الماية اهو. شف اول ما باعمل لها كده ها بيحصل ايه؟ شف الماية بتنزل بتعمل ايه؟ الماية ما صدقت ان يبقى فيه ان يبقى فيه فتحة تخرج منها. الروح ما صدقت - [00:46:30](#)

هذه الكلمة التي قالتها السيدة عائشة لما قالوا من احب لقاء الله يعني ايه؟ يعني يعني ايه؟ اللي هو في الدنيا يقول لك انا نفسي اموت. نفسي اقبال ربنا - [00:46:50](#)

لأ قالت لهم ليس هذا ولكن اذا حشرش الصدر وتشنجت الاصابع والروح بتطلع خلاص. فعند فاذا من احب لقاء الله احب لقاءه. ومن كره لقاء الله كره لقاءه والعياذ بالله. قالت لهم لأ ده في الاحتضار. ده مسألة - [00:47:00](#) احب لقاء الله والروح بتطلع هو ده. اللي ساعتها فعلا احب لقاءه. قضية الاحتضار. قضية كبيرة جدا. وقضية الاحتضار بتعرض لفتنة من اخطر فتنتين الانسان هيو اجههم في حياته. الفتنة الاولى فتنة الممات. والشيطان جاي بيحاول يشكك فعقيدتك. مش الشيطان - [00:47:20](#)

بيحاول يخليك تعصي بيحاول يشكك في دينك. بيحاول يشكك في اصل اعتقادك. بيحاول يموتك كافر والعياذ بالله والفتنة الثانية التي في مسل الخطورة وهي فتنة القبر لما الملكين بيحوا يسألوك وانت لا تدري الملكين دول تبع ايه ويسألوا - [00:47:40](#) حكما ربك وما دينك؟ ومن نبيك؟ ولو ما عندكش يقين عشان كده كان يروى يقول لك ان قال من ربك؟ اقول لهما من ربكما وانتما ما دينكما انتما؟ من يعني انت متخيل! يعني ان الانسان يبقى عنده يقين دي امتحانات يقين يا جماعة. امتحانات الموت وفتنة الممات - [00:48:00](#)

فتنة القبر دي امتحانات في اليقين. الانسان اللي عنده شكوك في دينه. الانسان اللي عندها شكوك في عقيدتها. الامتحانات دي محتاجة استعداد باليقين طول حياتك عشان تقدر تواجهها. مصيبة. الشاب اللي دلوقتي قاعد وسطنا واذا شكك شك. يعني لو واحد شكه في دينه يشك. امال لما - [00:48:20](#)

الشيطان يبجي يشكك في دينك عند الموتى تعمل ايه. لازم تجتهد على دينك من دلوقتي. لازم تجتهد على تحصين عقيدتك من الوقتي هذا العالم عالم ما وراء الاحتضار عالم الاحتضار عالم المراحل الستة لخروج الروح الذي تحدثنا عن يعني بعض اجزائه في - [00:48:40](#)

هذه المرة من اجل ان احنا نقف مع نفسنا شوية يا جماعة. يعني الدرس الواحد حاسس ان احنا قدامنا اعمال ايمانية كثير. يعني يمكن اللي خلى الواحد يتكلم عن الاحتضار عن الموت في هذه الليلة ان الواحد حاسس ان احنا قدامنا اعمال كثير الواحد بيستغرب لما نيحى نعرض للناس ونقول للناس على اعمال ايمانية - [00:49:00](#)

وهم يعني يعني سبحان الله العظيم فضل ومنة الله التحفيظ مسلا. اللهم لك الحمد يعني بفضل ومنة الله الوقتي اللي منتظم اللي منتزم متين شاب عارف يعني ايه اللي منتزم؟ يعني اللي هو انتظار. طب فين الباقي يا جماعة؟ فين الباقي؟ يعني انت عندك حوالي كده ربعميت خمسميت شاب لسه - [00:49:20](#)

مش منتزمين ليه؟ ليه؟ لماذا تضيع على نفسك الفرصة ليه؟ وفيه كتاب في الدنيا الحرف فيه بعشر حسنات غير القرآن! ده انت انت بتاخذ مئات الالوف من الحسنات في كل صفحة. وانت بتحفظ القرآن. ده انت القرآن لما بيبقى في صدرك بتبقى عامل زي السفارة الكرام البركة - [00:49:40](#)

ترى في السماء حملت المصحف. هو فيه كتاب هيستناك وانت طالع من تحت التراب؟ يقول لك انا صاحبك غير القرآن. ايه اللي شاغلك عن القرآن؟ فرصة محفظين مربين وبيتعاملوا بصداقة ونمرته هتبقى معك. عشان تتصل به عشان تبقوا اصدقاء. اعمال - [00:50:00](#)

وتربوية ضمن التحفيظ بازن الله سبحانه وتعالى هتتعلم للشباب اللي بيحفظوا. لما رحت قعدت معهم شوية انا حسيت ان انا هابكي يا جماعة. من جمال الجو اللي انا كنت فيه من جمال الجو احد اخواني اللي بيروحوا يحفظوا بيقول لي امبارح انا حاسس هناك ان انا في مسابقة ده انت حفزت قد ايه وده ويا اخوانا - [00:50:20](#)

صحبة سالحة. ده دي والله الواحدة لا يساويها اموال الدنيا. انت عايز تصاحب الناس اللي مستعدية تقطع مشوار ابن مسجد الصديق عشان تحفز وتقعدها هناك وتحفز وتراجع وتعمل. ده انت اخيرا لقيت فرصة للصحبة السالحة. اللي في مجموعتك - [00:50:40](#)

الفترة بتاعتك ها لو انت جيت فترة او اتنين او ثلاثة تخيل انت عندك فرصة انك تصاحب اربعين خمسين ستين واحد. تتصاحب على ده وتتصاحب على ده وتتعرف على ده - [00:51:00](#)

اعرف ناس اكبر منك موجهين لك زي المحفظين او الاداريين او يعني انت عندك فرصة انك انت تحل مشكلة من اخطر مشاكل حياتك مشكلة الصحبة. مشكلة انك تلاقي اصحاب مجتهدين. يعني الورشة جميلة. ولكن ممكن يكون مش كل الورشة بيحفظوا القرآن. انما اللي هناك - [00:51:10](#)

اللي بيحفظ قرآن ده هتلاقيه غالبا بيطلب علم. هتلاقيه غالبا بيدعو الى الله. ما هو الدنيا بتتطور الخير لا يأتي الا بالخير. يبقى ازاي انك تتوانى عن هذا؟ عشان كده ان - [00:51:30](#)

تذكر الشباب جميعا يا اخوانا. روحوا بازن الله. من الظهر زروفك ايه؟ اصل انا باروح الجامعة. يا عم وانت طالع من الجامعة اطلع مسجد الصديق في وشك لنا آآ ضفري بيوجعني الظهر. طب والعصر؟ المحفظين موجودين العصر برضو. لا لا اصل انا العصر بيبقى ايه؟ يعني بيبقى عندي صداع في طيب - [00:51:40](#)

خلاص عندك صداع وحضرتك تعبان جدا. رح المغرب لا لا اصل انا المغرب برضه ببقى تعبان. طيب حضرتك تعبان الست ايام في الاسبوع ولا ست ايام من السبت الخميس من الظهر للعشاء المحفظين موجودين. والاداري موجود تروح هناك تقدم الاستمارة وتملى استمارتك. وتلتحق به فترة من - [00:52:00](#)

قطرات حسب ما يناسبك. لأ اصل انا مش فاضي غير في اوقات معينة على حسب اوقاتك. لا اصل انا الفترة دي مشغول على حسب زروفك هتاخذ اقل بسرعة. لا طب هنعمل لك ايه يعني؟ يعني نعمل ايه؟ نجيب لكم كاتشب ومايونيز يا جماعة؟ نجيب سندوتش همبرجر اللي هيروح يحفظها. ها سم يا ابني ده - [00:52:20](#)

عشانك انت. يعني انا مش باخد على كل واحد بيروح يحفز مسلا حتة جاتو مسلا. يا ابني ده لك انت. يعني انا الوقتي من فعل وباحرق في نفسي عشانك مش عشانني. عشان مستقبلك انت. ما تضيعش مستقبلك يا ابني. ربنا ما يفتح لكش ابواب الرحمة وانت تتوانى عنها. اخ يقول - [00:52:40](#)

اصل انا يا عم روح. يا عم ما تخليش الشيطان يلعب بك. يا عم انطلق انوي الوقتي وانت قاعد. عاهد ربنا وانت قاعد انت ان بكرة هتروح ان شاء الله مسجد الصديق تقدم على التحفيظ. مين يا جماعة مين اللي لسة ما قدمش ها ينوي الوقت انه رايح بكرة -

يرفع ايديه. مين الوقت اللي لسة ما قدمش ينوي الوقتي انه انه طارق. لا لا ما ينفعش الكلام ده. احنا بنتكلم في ايه؟ احنا بنتكلم في آآ في عشرة عشرين - [00:53:20](#)

ما ينفعش يا اخواننا ارفع ايديك يا. هدي يا ابني خرزانة. ها ارفع رح يا ابني احفظ نص صفحة في الاسبوع. رح مرة في الاسبوع. انما اوعى تحرم نفسك من هذا العمل. مين يرفع ايده وينوي انه رايح؟ ايوة كده ناس اهي ترفع ايدها من من الركن البعيد الهادي هنا وهنا. مين يرفع ايده وينوي - [00:53:30](#)

شايفك شايفك وربنا شايفك. ارفع ايديك وقل يا رب سبتني ويا رب عني. ويا رب ايوة بدأ ناس ترفع ايديها ثاني اهو. ما شاء الله! واحد رافع صابعه مش عارف هو رفع صبوه ليه بس يعني هو ايه ان شاء الله بازن الله نيتته صدق. ها الركن اللي هنا مش هنستنفع من حد ايوة ماشي جزاك الله خير. جزاك الله خيرا - [00:53:50](#)

ايوة ايوة كده ربنا يبارك فيكم. طبعا اللي رفع ايده ده ادبس خلاص اتورط ده بينه وبين ربنا بقى ما ينفعش ما يروحش. ها بازن الله سبحانه وتعالى يبقى دي نقطة - [00:54:10](#)

التحفيز النسائي عايزين اخواتنا يركزوا معنا جدا. التحفيز النسائي لقينا ان النساء يعني ايه؟ طبعا النساء يعني ايه ثقة شوية مش هيبقوا زي الشباب. الشباب هيجي يقول لي لا والله انا عايز تحفيز جنب بيتي اقوم اعمل فيه ايه؟ ها؟ هاقوم جايب شاكوش وضاربه على دماغه. رح ياض - [00:54:20](#)

اطلع ياد رح جري لمسجد الصديق وتعالى امال هتجاهد ازاي؟ رح خليه معسكر جهاد يروح وتعال. انما الستات يعني ايه لازم برضو نتفاهم معهم شوية وخصوصا ان هم يعني انتم عارفين ان عقولهم كبيرة جدا يا شباب. وعارفين ان هم عاقلين جدا. طبعا جدا جدا طبعا طبعا انتم عارفين ان هم ايه - [00:54:40](#)

فاحنا لازم نتفاهم معهم على قد عقليتهم الكبيرة وعلى قد عطاءهم الكبير للاسلام. فاحنا قلنا هنقسم آآ اه اه تحفيز النساء اللي يناسبهم الجمعية الشرعية هيحفظوا بازن الله في الجمعية الشرعية تحت على ايد فريق من الاخوات المجازات فضل - [00:55:00](#) الله اللي محفظات فضل منة الله فريق جميل يعني اللهم لك الحمد. يعني وكان في اجتماع اداري مع هذا الفريق هذا الاسبوع وبفضل ومنة الله آآ اه اه يعني ناس ان شاء الله اهل لهزه المهمة هيحفظم ها ولهم يعني يعني هذا الفريق شغال في التحفيز اصلا وفي مسجد الصديق هيبقى فيه - [00:55:20](#)

فريق ثاني من المجازات اللي معهم اجازات. اللي بفضل ومنة الله. يعني بفضل ومنة الله. في فريق في مسجد الصديق وفي فريق في مسجد الجمعية اللي يناسبها الصديق الف سلامة. اللي يناسبها الجمعية الف سلامة. يبقى ايه؟ هنبدا الاسبوع ده في مسجد الجمعية الشرعية. هنبدا الاسبوع ده بازن الله سبحانه - [00:55:40](#)

تعالى آآ غالبا هيبقى يعني اخر الاسبوع الاربع والخميس هيبقى الاتصال بهم من اجل المقابلات يبقى اخوات اللي سجلوا اسمائهم معنا في الاستثمارات هنتصل بكم الاسبوع ده لي عايزة تيجي الجمعية الشرعية تحفز - [00:56:00](#)

طب مسجد الصديق؟ لأ ده المرحلة اللي بعد كده الوقتي هنبدا دلوقت بس بمرحلة الجمعية. طب واللي عايزة تحفز في الصديق يبقى تستنى لحد ما نبدأ الاسبوع الجاي بازن الله - [00:56:20](#)

وتعالى في تحفيظ الصديق. يعني احنا بنعمل لكم ما يطلبه المستمعون. يعني بعد كده مش عارفين والله احنا بنفكر دلوقت في التحفيز بالهاتف. بالتليفون ان حضرتك تتصل بالتليفون. انا عايز اسمع اتفضل حضرتك سمع. اه وداخلي ان شاء الله على التحفيز بالت. يعني يعني مش عارفين - [00:56:30](#)

اعمل ايه جيل ما يعلمه الا ربنا والله. والله العزيم جيل ما يعلمه الا ربنا. الصحابي كان بيسافر من المدينة لمصر عشان يسمع حديث. حديث من عقبه ان عمرو الجهني ويرجع من غير ما يقعد ولا يستريح. واحنا قاعدين نقول هنا فريق وهنا فريق. وشوية ان شاء الله بازن الله وهنجيب لكم بازن الله يعني ايه - [00:56:50](#)

يعني اه قطع جاتوه اللي يبجي بازن الله فالاخوات اللي عايزين يقدموا في تحفيز الجمعية الشرعية يسجلوا اسمائهم مع الورش النسائية الليلة بازن الله الورش النسائية هو فيه ورش نسائية دي بشرى جميلة بازن الله جدا جدا لاختواتنا ونرجو من الاخوة اللي
- [00:57:10](#)

زوجاتهم ها يخلصوا من زوجاتهم شوية بعد الدرس يعني ما تستعجلش على انك انت ايه تاخذ زوجتك ولا تاخذ بنتك ولا تاخذ اختك وتمشي يعني نسيب النساء شوية يا جماعة - [00:57:30](#)

لان النهاردة هبدأ فعليا الورش النسائية. الورش النسائية. الاسبوع اللي فاتت كانت في شكل ورشة واحدة. مجموعة واحدة. النهاردة بفضل الله هبدأ خمس ورش نسائية او اربع ورش نسائية. جاهزين بازن الله سبحانه وتعالى. فالاخوات هبدأوا ان شاء الله بازن الله يقعدم في هزه - [00:57:40](#)

الورش فور صلاة العشاء بازن الله عشان يبدأوا من خلالها يقدموا في التحفيز يبدأوا من خلالها نفس فاعليات. صحة الايمان واعمال الايمان اللي في الورش الرجالية اللي فوق تنتقل للورش النسائية عشان الاخوات يعرفوا هم غالبيين علينا قد ايه واحنا بنهتم بهم قد ايه - [00:58:00](#)

وان شاء الله بازن الله قريبا هبدأ اعمال اجتماعية للنساء. يعني يمكن يكون اولها ان احنا هنعمل رحلة نيلية مركب هنجيب كل الاخوات وكل البنات. ان شاء الله بازن حطهم في مركب بازن الله سبحانه وتعالى وقدامنا كزا بديل بقى يا اما نبلغ عنهم مسلا - [00:58:20](#)

يا اما يعني ايه يعني اخ كده من قوات الايه بيسموهم ايه اللي بيعرفوا يغوصوا تحت كده ويفتح لنا في السفينة كده فتحة من تحت كده وايه اه يعني ونستمتع كده. استمتع كده ان احنا ايه؟ ان اخواتنا والله يصعبوا علينا ويوحشونا بس يعني برضو ايه - [00:58:40](#) يعني الجنة احسن من الدنيا برضو احنا يعني نعمل لهم حاجة ان شاء الله يدخلوا بها الجنة يعني. آآ ان شاء الله بازن الله في اعمال كثير هنتم ان شاء الله للنساء. المرأة مهمة يا جماعة - [00:59:00](#)

وعايزين الشباب يعرفوا ان شاء الله ان المرأة مهمة جدا. اه انتم انتم تعتبر حاسين المرأة مهمة في المجتمع قد ايه؟ ومؤسرة في المجتمع قد ايه؟ ربنا يصطفيهم يعني ربنا يصطفيهم يعني مش عارف بقى دعاء داعيات في سبيله ولا شهداء في سبيله يعني ان شاء الله ربنا ايه يكرمهم وخلص بازن الله. آآ لما - [00:59:10](#)

يعني اللي اللي رمى موسى في الماية امرأة واللي اخده من المية وحماه امرأة اللي هي امرأة فرعون. واللي رجعه لاه امرأة اللي هي اخته. لما الرجال عجزوا النساء اشتغلوا. يعني النساء ممكن يشيلوا الدين. النساء ممكن يشيلوا الدعوة. النساء ممكن يغيروا الواقع. عشان كده انا باقول لاختواتنا اللي تحت ان شاء الله بازن الله - [00:59:30](#)

احنا ناويين على اعمال كثير جدا لكم هتبقى من خلال الورش. من خلال الورش عشان تطلع اخوات صنايعية في الالتزام وفي الدعوة بازن الله في اعمال اجتماعية هتتعلم لكم ولكن العاملين اللي احنا بدأنا بهم المرة دي الورش النسائية المرتبة اللي بفضل وبنة الله لها منهج من اول - [00:59:50](#)

الليلة بازن الله وهيتفرع عن الورش التحفيز النسائي اللي هبدأ في الجمعية الشرعية. هذا الاسبوع بازن الله وهيبقى الانترنت فيوهات مع الاخوات هذا الاسبوع بازن الله نتمنى ان يعني ان كل الاخوات اللي تحت يحرصوا على هذه الورش وعلى هذا التحفيز بازن الله سبحانه وتعالى. طيب يا - [01:00:10](#)

اخواني اه بدأنا هذا الاسبوع بفضل الله دوري الكورة بتاع الورش الرجالية. بفضل الله سبحانه وتعالى. اللي شاركوا فيه مين من اللي معنا؟ جميل جدا اه دوري الورش هو اللي شارك فيه فعلا ست فرق بس من آآ من الموجودين. فبدأ دور الثمانية هذا الاسبوع في استاد الجامعة. وكسرة ايدي ديت - [01:00:30](#)

بسبب دوري الورش الله يغفر لكم ويتوب عليكم. يعني رحت عشان اتابع يعني موضوع دوري الورش فشفت الكورة فسخت. يعني فعمل دور كورة كده مش عارف بعملها ازاى المهم لقيت نفسي في الهوا ونازل يعني بعد كده الحمد لله بقى كل حاجة ايه يعني فطبعاً

توبة الى الله اللي عايز يروح الدوري يروح ربنا - 01:00:50

وانا ما ليش دعوة بالكلام ده يا اخوانا. الاسبوع الجاي بازن الله سبحانه وتعالى هيبقى دور الاربعة ومباراة المركز الثالث والرابع والمباراة النهائية هتبقى يوم الاربعة الساعة سبعة مع مساء ان شاء الله في ملعب ستة في استاد الجامعة. المباراة النهائية هتبقى يوم

الايه؟ الاربعة. ان شاء الله. الساعة كم؟ الساعة سبعة في ملعب - 01:01:10

سته في استاد الجامعة بازن الله لو انتم عايزين تروحوا تشجعوا يعني بازن الله سبحانه وتعالى نحاول ان احنا نصورها كده ونشجع هذا آآ يعني الفرق بازن الله سبحانه وتعالى يعني زي ما وعدنا ان احنا نعمل اعمال اجتماعية في هذه البنية بتاعتها اللي هي الورش

بازن الله. اخوكم واخوانكم بيزكروكم - 01:01:30

يا بايه؟ صيام ايه؟ ثلاثاشر واربعناشر وخمستاشر يوم ايه؟ ثلاثاشر هيبقى يوم ايه؟ يوم الحد يعني الحد واللاتين والثلاث. اخوانكم بيزكروكم واخوانكم بيزكروكم بصيام ثلاثاشر واربعناشر وخمستاشر يوم الحد واللاتين والثلاث بازن الله سبحانه وتعالى يعني طبعا

يا اخواني في الله اه اه يعني مسألة الصيام مش محتاجين ان احنا نذكر فيها زيادة. يعني اية واذا سألك - 01:01:50

ادي عدي فاني قريب جت بعد اية ايه؟ بعد اية الصيام في سورة البقرة. ليه؟ لما الصيام جه هز بالنفس وزكاها بقيت قريب من الله وبقي دعاك مستجاب. فهذا من ابداع مواضع الترابط الموضوعي بين آيات القرآن. ان اية اذا سألك عبادي عني فاني قريب. جت بعد -

01:02:20

نهاية الصيام في سورة البقرة. يعني عايز تبقى قريب من ربنا. عايز دعائك يستجاب عايز تتعرف الى الله. عبادة الصيام من العبادات التي تقرب من الله سبحانه وتعالى فما ننساش ونذكر الناس كلها بازن الله سبحانه وتعالى بصيام ثلاثاشر واربعناشر وخمستاشر نبعث

رسائل تذكير آآ اللي يقدر يعمل ورق ويلزقه على - 01:02:40

المساجد يلزقوا في كل مكان. يلزقوا في السكاشن في الكليات او في المحاضرات في الكليات. اللي يقدر يطلع يركز في ميكروفون المحاضرة او السيكنشن بتاعه في كليته او في اي مكان - 01:03:00

كان آآ او في المدينة الجامعية يعلق ورقة في المسجد او في مدخل المدينة او او او اللي تقدر في مدخل المدينة يعني يا اخواني في الله عايزين نشاط باذن الله في - 01:03:10

تسكير الناس بالعبادة. يبقى احنا زكرنا بعض التالي اول حاجة دوري الكورة بدأ فضله منة الله. والنهائي يوم الاربعة الجاي الساعة الساعة سبعة في استاد الجامعة. لو الناس وتبدأ تشجع ونعمل جو جميل اجتماعي كده ونتعرف على بعض في جو اجتماعي هتبقى

حاجة في غاية الجمال بازن الله. الورش الشبابية طبعا - 01:03:20

يعني ان شاء الله بازن الله بعد الدرس على طول هتبدأ الورش الشبابية. ان شاء الله بازن الله. الورش النسائية هتبدأ النهاردة بنفس الصورة بتاعة الشباب تحفيز النسائي هتبدأ النهاردة اعادة تسجيل الاسماء تاني او اللي ما كانتش سجلت اسماء قبل كده تسجل تاني

عشان الترفيحات الاسبوع ده ان شاء الله بازن الله. التحفيز الشبابي - 01:03:40

يا شباب ثلاثاشر واربعناشر وخمستاشر ربنا يسددمكم. ربنا ينفع بكم. ربنا يحفظكم. ربنا يبارك فيكم. الاجتماع ده والله يا اخواني يعني يعني اغلى مما تتخيله. يعني على قلب الواحد وازن على قلبكم. مين الاجتماع ده غالي على قلبه يا شباب؟ الله! الله اكبر - 01:04:00

عايزين صورة يا عم ما فيش حد يبجي يصور لنا المنظر ده. انا بشمهندس هتيجي تصورهم؟ هنفتنهم يا بشمهندس. طب تعال صورهم مش مشكلة. ها بصوا يا شباب اما اقول لكم الاجتماع - 01:04:20

ده غير عند بيت تعملوا ايه؟ اه ايديكم اللاتين كدهو ها الله اكبر ولله الحمد. عايز ايه؟ يعني بس بجد والله يا اخواني. يعني يعني انتم حاسين اللي احنا حاسين به. احنا يا جماعة ما بنمش. يعني انا باكلمكم بصدق. يعني احنا فعلا ما بنمش عشانكم. انتم ممكن

دلوقتي تلاقوها زي التحفيز. انتم مش عارفين التحفيز ده - 01:04:30

فيه ناس ما بتنامش عشان فيه ناس ما بتنامش عشان الورش دي. فيه ناس ما بتنامش عشان النساء يترتب لها اعمال ايمانية ويتصاحبوا على بعض. فيه ناس ما بتنامش عشان الدوري داهو - 01:04:50

عشان انت تتبسط عشان انت تلاقي بيئة اجتماعية. عشان انت تدخل جوة الدين ما تحتاجشي انك تروح تعصي ربنا. مع ناس بيعصوا ربنا عشان عن نفسك. انا عايز اقول لكم مش بقول لكم الكلام ده عشان تقولوا شكرا. انا باقول لكم الكلام ده عشان تعرفوا احنا بنحبكم قد ايه. عشان تعرفوا انتم غالين قد ايه. عشان تعرفوا - [01:05:00](#)

احنا جوة قلوبنا امل فيكم قد ايه. يا اخوانا احنا مش عابزين نخسرکم. انا نفسي ما اخسرکوش. انا نفسي المنزومة البشعة بتاعة كل ست شهر طول الواحد يبدأ درس عام اه والدرس يبقى فيه شباب وفيه بنات وفيه اخوة وفيه اخوات وبعد ست شهر ولا واحد من دول عدت تشوفه تاني. تبدأ درس - [01:05:20](#)

تاني في مكان تاني مع ناس تانيين. انا نفسي ما نخسرش بعض المرة دي يا جماعة. انا نفسي المرة دي فضل مع بعض. انا يعني الواحد بازن الله سبحانه وتعالى بيقاقل بيقاقل - [01:05:40](#)

اه وايدي اهيت يعني اكبر دليل على انها مقاتل يعني. الواحد بيقاقل المرة دي بازن الله سبحانه وتعالى ان المرة دي ما نخسرش ولا واحد فينا واحد يقع ولا واحد يقع بازن الله سبحانه وتعالى جميع اعمال بيئة الايمان وبيئة الاجتماعية وبيئة الحب اللي تخلينا عايشين مع بعض - [01:05:50](#)

كاننا في الجنة جميع هذه الاعمال زي ما شاب جه كده وقعد وسطنا كنا عاملين حفلة فنية مع بعض كده. قاعدين واحد يغني واحد يعمل اسكتش. واحد عملنا مصارعة. يعني كان احد - [01:06:10](#)

المحافظين كده لعبت معهم بسرعة وصرعت بفضل الله يعني. اه جبت نفسي كتاف يعني. ابوة الحمد لله. قلت له هات ابوس راسك جايب راسه قمت منيمه على الارض على طول يعني. اه واحد جه - [01:06:20](#)

قعد معنا كان من المحافظين برضه. قال ايه ده انا حاسس ان انا في الجنة. انا حاسس ان انا قاعد في الجنة. فانا عايز يا اخوانا نحس ان احنا في الجنة. عايزين نبقي سعداء بالدين. ما عدناش - [01:06:30](#)

مش عايزين الدين يبقى المنزر الصعب اللي الشباب يقول لك انا حاسس ان لو التزمت ادخل في حياة خانينة لا اللي احنا بنعمله ده عشان الشاب برة يبص ويقول يا ريتني معكم. يا ريت حد - [01:06:40](#)

حد بس يشاور بصبعه كده ويقول قضيني معك. وانا هاجي جري. عشان كده انا نفسي ان احنا كلنا نبقي شركاء في بناء بيئة الايمان. نفسي ان احنا كلنا نبقي شركاء - [01:06:50](#)

انا عايزك تعيش الرسالة دي معي. انا عايز الرسالة دي ما تبقاش رسالة فريق اداري لدرس. وناس يعني بتسمع وبتتلقى. انا عايزك تعيش رسالة ان احنا بنبني بيئة ايمان. بنبني مشروع لو اتعمل كل الشباب والبنات اللي برة هيجوا وهم هيموتوا - [01:07:00](#)

الفرحة النوبة داخلين وسطنا. نعمل اعمال اجتماعية واعمال ايمانية واعمال تعبودية واعمال علمية. واعمال دعوية وتحفيظ قرآن وحاجات كتير جدا يا اخواننا بازن الله وكل شوية بنطور بازن الله وبنجيب مشاريع جديدة. الحاجات دي مش هتكبر غير بكم انتم. ومش هتكبر غير بجديتكم انتم. وبشراكتكم انتم - [01:07:20](#)

وانك انت كل مرة تيجي مجرر في ايديك اتنين ثلاثة او مجرر في ايديك واحد حتى ليه ؟ لانك حاسس بالانتماء لمشروع بقية الايمان. ها مين منتمي لمشروع بيت الايمان يا رجالة؟ ها؟ مين حاسس ان هو دلوقتي صاحب رسالة وان الموضوع آآ نوجب معهم - [01:07:40](#)

لف الكاميرا كده على الهواء يا باشمهندس كده ان ايه مين حاسس بالانتماء لهذا المشروع؟ والله يا اخواني لو تعلموا احنا بنحبكم قد ايه يعني والعواطف اللي بتتفجر في قلوبنا تيجي لكم قد ايه. يعني آآ يعني كلنا هنبكي من الفرحة ان ربنا رزقنا الصحبة دي. وان ربنا بيرزقنا الجنة دي واحنا في الدنيا. انا بس - [01:08:00](#)

سافر في خطب الجمعة في البلاد لا تتصوروا الاخوة معذبين قد ايه. والله العزيم لا تتصوروا الناس اللي عايزين يلتزموا معزبين في البلاد قد ايه. مش لاقيين حاجة. مش لاقيين حاجة - [01:08:20](#)

ده ربنا فاتحها علينا بالواسع مين بيحب الدرس ده مين بيحب الصحبة اللي حوالياه في الله؟ ها ارفع ايديك ياض تفضحوناش مين

فرحان يا رجالة؟ المنزر بتاع رفع الايديين دا والله بالدنيا واللي فيها. ربنا يحفظكم. ربنا ينفع بكم. ربنا يبارك فيكم. ربنا يجوزكم -

[01:08:30](#)

امين. يا رب كلكم تتجوزوا يا رب. اخوة واخوات يا رب. وكل اخت بقى تجيب جوزها بعد كده ما عادتش تيجي سنجل يا عيني قلبانة كده وكل اخ يجيب مراته ما عدش يبجي غلبان وحيد كده ها ونجيب عيالنا والبيئة الايمان تكبر واحنا فيها. وكل واحد يضيف مراته

[01:08:50](#) - ويضيف عياله -

قالوا وبقى مجتمع يا جماعة. وندي للعالم كله صورة ان الدين حياة. الدين مش درس. الدين مش ساعة في الاسبوع. الدين مية ثمانية وستين ساعة في الدين ده ليل نهار الدين ده متعة الليل والنهار في الحياة. استغفروا ربكم ثم توبوا اليه يمتعكم ويمتعم اخونا

[01:09:10](#) -

اللي عمل مواعيد الدروس العلمية ومواعيد الدروس الشبابية ربنا يبارك فيه وربنا يحفزه فكرة جميلة جدا. اخ من اخوانا وحبائنا يعني لا تنسونا من صالح دعائكم لن نساك صالح دعاءنا ان شاء الله عم الشيخ ربنا يحفزكم ويبارك فيكم. اسأل الله العظيم اللهم ادم

[01:09:30](#) - صحبتنا على طاعتك. اللهم ادم اخوتنا على ابتغاء مرضاتك -

اللهم يا ربنا احفظنا من شياطين الانس والجان. اللهم احفظ اخواننا واحفظ اخواتنا. اللهم زوج شبابنا وزوج فتياتنا اللهم استعملنا ولا

[01:09:50](#) - تستبدلنا. اللهم استعملنا ولا تستبدلنا. اللهم لا تستبدلنا. اللهم املأ قلوبنا بالحب فيك يا رب -

اللهم ادم نعمة الاخوة فيك يا رب علينا. اللهم لا تحرمنا من صحبة بعضنا على طاعتك وابتغاء مرضاتك. اللهم اللهم مددك. اللهم نصرك

[01:10:10](#) - اللهم رضاك. اللهم يا ربنا انا اجتمعنا الليلة على ابتغاء مرضاتك. انت تعلم -

ويانا انت تعلم ما نريد. اللهم اغفر لنا اجمعين. اللهم لا تخرجنا الليلة الا وقد غفرت لنا يا رب اللهم لا تخرجنا الليلة من بيتك هذا الا وقد

[01:10:30](#) - كتبت لنا الثبات على دينك يا رب. اللهم -

حملنا ولا تستبدلنا يا رب. اللهم اكرمنا ولا تهنا يا رب. اللهم افتح علينا. اللهم افتح علينا. اللهم انصرنا. اللهم امدنا بمدد

[01:10:50](#) - من عندك. انك ولي ذلك والقادر عليه. سبحانك اللهم وبحمدك. اشهد -

[01:11:10](#) - قل لا اله الا انت استغفرك واتوب اليك -